

Makalah ini kami terima sesudah Qalam keluaran yang lalu selesai dicetak, maka oleh itu kami sajikan dalam keluaran ini – Penyunting.

## Duka dan Suka di Kapal Haji Yang Ke-Empat

Yang Di-Pertuan Agung naik melawat di Port Swettenham – Raja Tuan Uda, Gabenor Pulau Pinang naik di Penang – pelajaran-pelajaran agama di kapal – jualan-jualan di kantin – peristiwa kebakaran – perkahwinan dua sejoli yang telah tua

(Oleh: Edrus)

Sehari sesudah belayar dari Singapura pada 26.4.61, kapal haji Kuala Lumpur singgah di Port Swettenham. Tidak seorang pun penumpang-penumpang dari Singapura yang dibenarkan turun ke darat. Tetapi pada hari itu rombongan Yang Maha Mulia Seri Paduka Yang Di-Pertuan Agung dan Permaisuri Agung telah datang melawat ke kapal itu. Baginda telah berjalan berkeliling di dalam kapal itu melihat keadaan-keadaan orang-orang haji dan beramah mesra dengan mereka. Baginda juga telah bermurah hati melihat “Masjid” di kapal itu. Baginda santap di kapal.

\* \* \*

Esoknya sampai di Pulau Pinang – di sini semua penumpang dibenarkan turun ke darat. Petangnya, apabila penumpang-penumpang dari Pulau Pinang hendak naik, semua penumpang-penumpang kelas “tourist” disuruh turun ke darat - dan penumpang-penumpang bilik disuruh naik di atas kapal untuk memeriksa kapal itu seluruhnya, kemudian setelah memuaskan baharulah penumpang-penumpang semuanya dibenarkan naik.

Di pelabuhan Pulau Pinang, hari itu telah siap istiadat-istiadat kerana Yang Terutama Gabenor Pulau Pinang Tun

Uda akan berangkat bersama-sama dengan kapal Haji yang keempat itu. Tun Uda turun di kapal berpakaian rasmi sedang beribu-ribu orang ramai datang menghantarkannya. Orang-orang di kapal sukacita dengan adanya beliau di kapal. Beliau diletakkan di bilik belakang kapal itu. Rombongan beliau mengandungi empat orang: Tuan Haji Ali Rawas, Encik C. M. Hashim dan Tuan Syed Umar al-Mashoor sebagai pengiring peribadi.

Pelayaran dari Pulau Pinang ini adalah sangat-sangat meriah - yang di darat dan yang di atas kapal. Di atas kapal disiapkan pentas tempat Tun Uda melambai-lambai. Pelayaran beliau ini adalah pelayaran peribadi - bukan rasmi.

\* \* \*

Selama pelayaran dari Pulau Pinang pada 28.4.61 hingga 11.5.61 sampai di Jeddah Tun Uda telah mengunjungi masjid tiga kali. Yang pertama: Dengan jemputan beberapa orang “pemimpin” beliau melawat petak-petak di kapal: dan menghadirkan dirinya di tempat orang-orang belajar, yang kedua dalam majlis menyampaikan hadiah-hadiah peraduan, dan yang ketiga dalam majlis belajar sesudah terjadi kebakaran.

Dalam pertemuan yang akhir, beliau sendiri datang.

Dengan kerjasama yang kuat daripada beberapa orang.

Di dalam ucapannya beliau menyebut tentang betapa mustahaknya

Maka Ustaz Daud Ali telah berjaya mengadakan majlis

merapatkan persaudaraan dan meminta orang-orang yang suka

pelajaran dengan kerjasama yang ikhlas daripada beberapa

ziarah, kalau singgah di Pulau Pinang berjumpa beliau.

guru-guru agama. Pagi biasa diadakan majlis terbuka

Di Resindensi.

dan sebelah petang diadakan majlis khas untuk wanita.

\* \* \*

Selama di dalam pelayaran, lautan boleh dikatakan tenang

Melihat hajjah-hajjah berjemaah maka sangat dirasa

- pada setengah-setengah tempat seakan-akan baylor di dalam sungai.

betapa kecilnya masjid di kapal itu. Kerana itu, setelah

Di kapal diadakan suatu jawatankuasa kebajikan

diminta maka perantaraan bilik sembahyang dengan bilik

yang dilantik daripada bahagian-bahagian di dalam petak dan penumpang-penumpang

berehat dibuka. Dengan itu lima enam ratus calon-calon

bilik.

haji dapat sembahyang bersama-sama sekaligus. Dengan itu



**Duli Yang Maha Mulia Sultan Terengganu telah mengisytiharkan pembukaan sekolah nelayan bagi Pantai Timur**

**di Seberang Takir, Kuala Terengganu baharu-baharu ini. Gambar menunjukkan Baginda sedang menyaksikan contoh-contoh alat**

**penangkap ikan di sekolah itu dengan diperhati oleh Menteri Pertanian dan Syarikat-Syarikat kerjasama, Encik**

**Abdul Aziz bin Ishak, dan Tuan Song Min Kong, Pengarah Jabatan Perikanan.**

pula kuranglah orang-orang sembahyang di atas dek, di luar dari kawasan masjid.

\* \* \*

Sesudah berlepas dari Aden pagi, lebih kurang pada pukul 3 petang dalam pelayaran terjadi suatu perkara yang sangat memerlukan perhatian dalam kapal. Dengan tidak semena-mena asap hitam keluar dari bilik kelas-kelas, sebuah bilik kelas telah terbakar. Loceng kecemasan berbunyi dan di dalam kapal jadi kelang kabut<sup>1</sup>, di antara penumpang-penumpang dek banyak yang mengeluarkan beg-beg mereka naik ke atas tetapi ‘umumnya telah bersiap dengan pelampung-pelampung. Bunyi suara ratapan perempuan hebat berbunyi. Masing-masing hampir hilang akal. Semuanya naik ke atas dek bersiap sedia termasuk di dalamnya Tun Uda bersama anak isterinya - masing-masing di dalam keadaan

bimbang. Tetapi mujurnya keadaan dapat dikawal dan tidak ada sesuatu marabahaya yang berlaku.

\* \* \*

Hari dukacita itu telah berubah pula apabila ada perkahwinan daripada dua sejoli calon haji dari Kelantan. Umur lelaki lebih kurang 60 tahun dan yang perempuan lebih kurang 45 tahun. Ustaz Daud Ali jadi juru nikahnya dengan dihadiri oleh kapten kapal. Sambutan perkahwinan itu sangat meriah sehingga mereka lupa langsung apa yang terjadi sehari lebih dahulu.

Pelayaran kapal haji Kuala Lumpur sampai di Jeddah sehari terlebih dahulu daripada jadualnya iaitu pada 11 haribulan Mei petang.

Perihal mengenai keadaan kapal Haji akan disebut di belakang. Hanya seperkara yang mustahak diperhatikan bahawa kantin kelas-kelas ada menjual barang-barang yang dimasak. Setelah diperiksa di dapat bahawa barang-barang itu dimasak di dalam dapur kelas-kelas Cina yang mungkin bercampur dengan babi. Bantahan dibuat tetapi mulanya bantahan itu tidak berapa diberatkan sehingga hampir-hampir timbul protes baru dijamin bahawa mulai dari masa itu hingga masa ke belakang barang-barang masak daripada orang-orang Cina tidak dibenarkan dijual di kapal itu.



Kitab Sejarah, untuk sekolah-sekolah sudah siap

Sejarah ringkas

### Muhammad

*Salla Allāhu 'alayhi wa sallam*

Disusun oleh Edrus. Sejarah

Ringkas junjungan kita Muhammad (S) yang perlu

Diketahui terutamanya oleh murid-murid sekolah.

Tiap-tiap bahagian disudahi dengan pertanyaan-pertanyaan yang boleh mengingatkan murid-murid kepada apa yang telah dibacanya. Bahasanya mudah difaham dan disulam dengan peta dan gambar-gambar yang berkenaan dengan sejarah-sejarah itu. Pertama buku sejarah ringkas yang diterbitkan oleh Qalam untuk sekolah-sekolah.

Senaskhah \$1.20

Pos 10 sen

<sup>1</sup> Ejaan sebenar ialah kelam kabut